

~~13995~~

Misc. 462.

Brooks Ant

4 journals

(59273-76)

BIBLIOTECA CIVICA
UDINE

MISC. 462.6

[Brilly A]
I G I A

BIBLIOTECA COMUNALE
UDINE

Cat. N. 59273

Loc. 462

Scene sui cops

ATT PRIM

Fra i orors de la nature,
Su lis alis di garbin,
Induarminsi de criure
Cu une dose di morbin

L'è spontat il colm de Lune
Che ju Giaz met in savor;
Za lis Gialis une a une
Van sui cops a fa l'amor.

Delie Muse smarmajose
Sberlufide come j Ors
Da la sede sgrasajose
Inflamait i miei discors.

Sint.. no sint un armonie..
zito, atenz, alzait la cee?
Un gnouv estro mi cucje..
Prest un scagn; une chiadree?

Losche Invidie batt la solfe?
Mi. Re. Do. Do. Re. Mi. Fa!
Sune il Cimblu tu Marcolfe?
Lampe il ton in Sol-Sol-La.

Gnao! gnargnao! gnao! gnargnao!

Grugn! gurr! grugn!grugn!

Mao! marmao! mao! marmarmao!

Tuff! Tufftuff! uhoo! Gnargnorgn!

Ojhoel! joeel! ohjojojoheel!

Uhuu! vauu! vau! uhuhububuu!

Squaace!quaace!quach!ohelohelohelohel!

Eheel! ehe! euua! uaa! vuvuvhuu!

A che musiche improvise

Päesans come foresgh

A si metin in d'vise.

E po vie cu i lor impresgh.

Di Belone a la comande

Agueriz come Leons

Plombin Bulos da ogni bande

Sul Teatro des questions.

Impostaz fra colm e gorne

T'un silenzio il pluî perfett

Quachio quachio un va e un torna

Ca la smare sul filett.

Dat il guant al Babio in pliche

E mitudis lis lor spjs

Si preparin a la triche

Senze fast di batarjs.



2
Spietin l'ore des bravadis
Covigli e munguland
Cun fierissimis chialadis
E une bile fulminant.

ATT SECOND

A ogni sit spizzant l'orele,
Da velen sviarsat il pett,
Pend la smanie de massele
Cu la furie sul sghirett.

Romp lis ansjs un Vauao
Che al atacc ju sprone a là,
Cui rispuind un rauc Mamao
Che al fas propri sgrisulà.

Schiampe Amor dai braz de mame
Spandint strai avelenaz,
E a patass e zucchin di dame
Spazimans indiaolaz.

Parcè fami i cuars canae?
Ah che Rule no mi uull!
Vami fur dai voi tartae!
Pans chell altri un pit tal cul.

Uh sassin de la me Deel
Cui ti ha dat tant ardiment?
Chlape sdrenuul di galee,
A un par miò chest compliment?

Altris rifl e pratesis
Chiapin fuc da plui drapel
E a scomenzin lis contesis
A svagassl cui macei.

Tui cun tante di codope,
Un timp mostro tal sbravazz,
Par che l'ordin torni in strope
Tire su tangh di mostazz.

Po sintat sun alte nape
Come in trono di Sultan
Mande un quacc di tape in tape
Che incucà vendete in man.

Prin di meli pit in stafe
E v'inflamin i cimenz,
Ai Uerirs di franchie sgrafe
Sberle fuart che stein atenz.

E po i dis: che il lov us uardi!
Eh che i sfidos son fatai?
Che si vinci o che si piardi
Son diabolichs criminal.

Dunchie abass delir di nere,
Regni paas: trionfi Amor
E di Marte la bandiere
Sei mudade di color.

A ches vos un chiapitanti
Lu regale di un fricò,
Che sparit cun tant di mani
L'è platat a chiasse so.

ATT TIARZ

Del bon Vieli la saviezza
Dal bollor entusiastat
De gueresche sgarbatezze
Fo tignude par vittat.

Rott cussl lis tratativis
Dutt si pronte a l'ocorint,
E ai smurmugns des invetivis
L'ongle s'uze, s'arme il dint.

Ah sintit ce brugubuil
Ce gnargnonio violent!
Ce oveool ce murcubuil
Ce tufismo sorprendent!

Za che oles plantà batae,
Vose il Vieli fur d'impazz,
Combatet, siore canae,
Fin che al cor il sanc a suazz.

Lor no badin e il gnargnao
Torne in chiamp cul gurgugnà,
E fra l'Oveoo e brugnao
Smjre ogn' un di sgrisugnà.

Oh teribile marchiade!
 Uh bubu! Vavievec!
 E po taff une zatade,
 Ohe! ohe! uaa! chuaa! vie! vee!

Gran scialaquo di masselis
 Di mostagh e di pilizz,
 Van par ajar lis orelis,
 S'insanganin dug i sgrizz,
 Un questione par lis dotis
 Pe belezze e zoventut,
 L'altri pete ju des botis
 Senze là tant par minut,

Chest al sberle: jhoc! ohee!
 Dami fur il cordon d'aur!
 Chell rispuind: hai voe! hai vee!
 E ju pete un marmamaur.

Tenti Ross la to Sgrafine
 Che la me jè ummont di mieii,
 Cliti a Lui; a ti Steline-
 Paff birbant! jo no la ueii!

Fra il rumor serpegie un squo
 Che al fas nassi rebelion,
 E depost il pofarbio
 S'emple il chiamp di confusion.

Ah che fin lis Fantazatis
 Misturadis cui Fantazz
 Lor sgrifignin come matis
 Su lis lindis dai Palazz!

T'un moment a si cidinin
 Stracs a muart di uereza.
 Ma sott cozz là horie minin
 Par tornassi a sgardufa.

ATT QUART

Sbrufin lusingis lis stelis
 Splend la gnott come un biell di,
 Polse l'ajar su lis velis,
 Corin vizis a durmi.

In perfete quiescenze
 I Uerirs no dan un cricc,
 E cun rustiche licenze
 Un sul altri pœ il musicc.

Profitant del armistizi,
 Squindut l'ire sott i copa,
 I Primatis di judizi
 Van e rampe di plui sciops.

Chell sachegie la so chiasc,
 Chest un strani magazen,
 L'altri svelt al chiate base
 T'un curtil, e i passe ben.

Cui da un alte luminarie
 Arbù, trav, o vit, o mur,
 Cui da un gatul o giatarie
 Cu 'l fricò se suinche fur.

Puarte Tizio mieze raze
 E Sempronio pigurin,
 Un bisatt, 'ne gialinaze,
 Chest salam, e chell budin.

Vegnin tortis e gialinis,
 Des frituris e poless,
 Chiar, pastlizz, suazett, spedinis,
 Stofat, umid, rost e less.

Poin sul chiamp la so buride
 E ogni ghigne invide i siei,
 Fan e invide impalmonide
 Tufe, rugne e rize i pei.

Cimiansi bruscamentri
 Quatri cinc sun l'un bocon
 Sgrizz e dingh e fichin dentri
 Cun angoscie di Scrocon.

Son apene a mieze taule
 Ch'ire impie il mal umor,
 Slungie bile la peraule
 E a s'ingrintin fra di lor.

Zuein de more cu la sgrafe,
 Tire tu e tire jo,
 Schlipe in muse la patafe
 Ma ogn'un cruste plui che al po.

Cale il crugnul, cress la rabie,
 E sul serio si dan
 Come mostros del Arabie
 Quand che tribulin di fan.

Stait cujezz? De colombere
 Sberle un Orcul, daisi pas,
 E a che vos, la Nae plui fiere
 Torne al puest, si leche e tas.

Plee la code, tind l'orele,
 S' iuzenogle e scrufuiss,
 Siare i voi e la mascele,
 Tire su, e s' indurmidiss.

ATT QUINT

Duar la trupe e stant in sale
 Sint erucuru dai sgrasais,
 Come quand che sgurle in stale
 Nene il fus di Simulaïs.

Canonè sul miezz quart d'ore
 Un trombete intone il Maur,
 Che marchià ul di in furore
 Tanche un chian e piell del Taur.

Dicidut che la vitorie
 Dal valor del plui robust
 Uè dipendi, vin la glorie
 Di sperà di gioldi il gust.

Ross i voi come une bore,
 Dingh spuntiz e sanganaz,
 Rizz il pel e vos sonore
 Code in ajar, sgrizz sfodraz:

Cei arcat, convulse schizze,
 Tirat su dutt il capoll;
 Batint lusignis di stizze
 A massassi van di tiell.

Sflanconaisi un sott e un sore
 Dopo un languid gurgugn
 Han zurat che in cheste brave
 Celia rinci opur murl.

Ditt e fatt a si brazolin
 Si sgardufin, si cimiin
 Si sdramassin, si rondolin,
 Si sbridinin e strupiin.

Velu! velu! pjlu! Leilu,
 Tenlu! strenzilu! dai! dai!
 Ju! brav! copilu! scorteilu!
 Pliche! ploche! jhai! jhai! jhai!

Musonaz, butand la bave
 Paach! chell sore torne sott,
 Vose un tiarz, un quart sabore
 E d'un scalz distire volt.

Cu lis gripis tross in ajar
 Han il chiaf a pendolon,
 Altris daspin quintri l'ajar
 E di rabie dan un ton.

Là plui bulos scaramuzin,
 Cà si batin cun valor,
 Chesg si lechin, chei si bussin
 E po vie a fa l'amor.

ATT SEST

Dopo un nembo di chiarezis
 Di suspirs e complimenz
 Si radoplin lis fierezis
 Ardin d'ire i Combatenz.

Non cussl furios Achile
 Quiutri l'impeto neml
 Sledrosade la papile
 Mazze prime di feri:

Come lor a gnove sfide,
 Rott de ruse ogni riten,
 Plui crudei del paricide
 Jan a duess tufant velen.

Ah che s'alze un brugubui
 Un quarquanio inviperit,
 Un gorveool un murcubui,
 Un tufismo plui ardit.

Plombin pugus, i scalz e svolin,
Si sbufonin, si zotein,
Si remenin, si pozzolin,
A si chiastrin e rosein.

Pinf e panf a man ledrose
Cun plui fuc e manco dul;
J'è une stragie dolorose
Plui de Joibe del Friul.

Salte in miezz de barafuse
Un diaul neri par parà
Mene i brazz a la rinfuse,
Sbrisse un pit e al reste là.

Altre borie misure
Sgrizz cun sgrizz e dingh cun dingh
Par la fuarze e la braure
A si sbranin fra paringh.

A vedè chell lagrimevul
Estermini d'agueriz,
E a sinl la spaventevul
Querimonie dei feriz:

Il Factotum del armade
Dopo provis di valor
Biellplancuz se l'ha mocade
Tramortit a chell oror.

Scor pal tett il sanc a spizzul
Si crustine i stess feriz;
Alto là! che vais a srissul!
Anchie un pass, e a ses finiz.

ATT SETTIM

Siben Eco chell adagio
Ben tre voltis lu ripett
E la Lune il viv so raggio
Tarlupant al plan riflèt:
Lor no viodin, lor no sintin,
E chiapaz a brazzecuell
Plui si dan, e plui s'ingrintin
Rondolansi ju a curtiell.

Stell montat in luminarie
Jeve in piis e fas cidin,
Alze in ajar la zamparie
E po dis... un momentin.

Se anchie il plui biell ball al stufe
Pe stanchezze o pal rumor
Par finì cheste barufe
Sussitade dal Amor:

Scielzarai jo la morose
A ognidun che vadi ben,
Zovin, biele, spiritose,
Volp frustade par inzen.

Ecco Chliti, Gatarupul,
Miei di chè no ti puess dà.
A ti Trepul, e a ti Rupul
Ches dos surs che stan culà.

Dat un tuff presente Stele
A Chliten supiarbios
Che la chiapè e la sgiavele
Cu une cee di rabios.

Po si tuchin un cun l' altri
Dai di cà e dai di là,
E sei stupit o sei scaltri
Chiape il so come cu và.

S' imbarazzin, si voltolin,
Si bruntulin, s' ingredein,
Si remenin, si pozzolin,
S' inglemuzzin e scortein.

Svole il pel e gnove risse
Ire suarbe il chiamp cul fun,
Pass vendete la so slisse
E a tombolin... brudutun!

Sul plui biell de la dislide
Ingrampaz sbrissin dai cops,
Chians atenz a la buride!
Ma uardaisi di chei sclops.

Patatunf! apene in tiare
Son cutuardis divoraz...
Sunin, Fradis, la chitare,
Che dai laris sin salvaz.

Liberadis lis soflis
 Dai assalz di tangh crudei
 Ridin gnolui e zuitis
 Fazz amiis i plui fedei.

Ecco il fin di chesf fatt d' arme . .
 Volt feriz al Ospedal,
 Quatri sans a la Casarme,
 E vingh muarz che van di mal.

Dos Pantianis di sapienze
 Che cucavin jenfri il mur
 Han spudat cheste sentenze
 Tal si viv, e tal si mur.

IL FIN.

*Uè si rid doman si vai
 Jè sentenze di Snacai.*

SUNETT

Qui che su la Gateide invente un Valz
 Faress ridi i strumenz zovins e griis,
 E in fraterne faressin quatri salz
 Dei Muarz la sinagoghe e che dei vlis.

Pess, Uciei e retj plui strabalz,
 Lèons, Tigris e Agnei, grechis pazlis,
 E Statuis e Pituris in t'un sbalz
 Plombaressin a gioldi quatri diis.

Il gran pees scantinal ogni salon
 Al cricc cracc de convulse travadure
 Laress dütt il Concors a tombolon.

Trasmudade la gionde in sepulture,
 Sui rudinazz, a scorno de invenzion,
 Vajaress di dolor Art e Nature.



